



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Eidem.

urn:nbn:de:hbz:466:1-20020

inanes, auctores etiam & procuratores illarum, nisi moniti satisfecerint, excommunicationis vinculo innodarent, si qui verò prædictorum noluerint ablata vel extorta repeteret, detentores eorum nihilominus ipsa restituere compellerent in terra sancta subsidium juxta mandatum apostolicum reservanda. Cum igitur ad subsidium terra sancta totis affectibus aspiramus, volentes id per tua sollicitudinis studium effectui mancipari, per apostolica tibi scripta mandamus quatenus ea quæ taliter fuerint reservanda facias apud domos Hospitalis & Templi accuratè deponi & fideliter custodiri, recipiens super ipsius depositis testimoniales litteras Magistrorum, contradictores, si qui fuerint, vel rebelles per censuram ecclesiasticam sublatu appellationis obstaculo compellens. Datum Laterani 111. Kal. Novemb. pontificatus nostri anno sextodecimo.

E I D E M.

Epist. 138.
Super eodem.
Videlicet Paris.
ad an. 1213 ubi
hac epistola re-
ficiuntur.

Cum non possit Ecclesiæ melius pro-
videri quam si eis præficiantur pasto-
res idonei, qui non tam præesse cupiant
quam præesse, fraternitatи түze, de qua
plenam fiduciam obtinemus, per apostoli-
ca scripta mandamus quatenus episcopatus
& abbatias Angliae nunc vacantes facias
cum tuo consilio de personis idoneis per
electionem vel postulationem canonicanam
ordinari, quæ non solum vita & scientia
sint præclaræ, verùm etiam Regi fideles &
regno utiles, necnon ad consilium & auxi-
lium efficaces, assensu regio requisito.
Cum ergo vacantium Ecclesiæ Capi-
tulis nostris demus litteris in præceptis ut
tuo consilio acquiescant, tu Deum habens
præ oculis, consulas super hoc viros pro-
vidos & honestos, qui plenè norint merita
personarum, ne te cujusquam astutia
circumveniri contingat. Si qui verò con-
tradictores fuerint vel rebelles, tu eos per
censuram ecclesiasticam appellatione remota
compescas. Datum Laterani 11. Kal. Novemb. pontificatus nostri anno sexto-
decimo.

Scriptum est super hoc vacantium Ecclesiæ Capi-
tulis.

NEAPOLITANO ARCHIEPISCOPO.

Epist. 139.
De accusa-
tione aduersus
Archiepiscopum
Surrentinum.
Cap. Constitu-
tis. De testib.

Constitutis in nostra præsentia vene-
rabili fratre nostro Alferio Archie-
piscopo & dilecto filio Matthæo Canonicō
Surrentinī, dum idem M. accusationis
concepto libello eundem Archiepiscopum
deferret de crimine simoniae, afferens nihilo-

lominus eum criminis laſte majestatis obnoxium, eò quod, ut dicebat, eodem Archiepiscopo machinante Surrentina civitas à regia fidelitate recessit & reprobo jura-
vit Othoni, ac ipsum Archiepiscopum ex-
communicatum celebrasse divina, cùm post
talem machinationem, per quam machina-
tores hujusmodi latam a fede apostolica ex-
communicationis sententiam incurserunt,
divina præsumperit celebrare, Archiepisco-
pus, antequam describendi libellū fieri sibi
copiam postularet, in personam accusato-
ris quod esset inimicus & conspirator ex-
cepit, allegans interdicendum ei aditum
accusandi, cùm secundum instituta cano-
nica inimici & conspiratores in nullus de-
beant accusationem admitti. Ad quod pars

*Cap. Tanta. &
ta. Licit. Heli.
De simonia.*

*3 q. 5 c. Accu-
sationis.*

*Callistus I.
epist. 2, cap. 1.*

KKKKK iij